



ル 5
3137
1





門 几 5  
號 3137  
卷 1

開封府為通飭事歲

特授河南等處承宣布政使司布政使加

三級紀錄四次趙憲牌照得郡邑之

有志猶國之有史史載一代星野疆域

祥瑞災異以及君臣紀傳中外載記誌

亦如之史卽誌之合誌卽史之分也豫

省通誌於雍正年間延請名儒考訂纂

修刊刻成集固是以存今而傳後但三

昭和十四年  
六月廿八日  
購求



一誌爲一省之綱領其細微節末端顛末  
一乘考載詳明查各府州縣誌書大率  
一康熙初年纂訂之後類皆殘缺未經  
一輯此數十年來承平日久戶口繁多  
一化日興風俗移易土田則有墾闢之殊  
一疆域則有改隸之異其人才疊見如  
一高科而登黃榜者不乏人節孝可風而  
一義行堪傳者不乏人至備位茲上其

一治行卓越某某素餐貽譏其姓氏尙  
一入耳目間及今博採輿論猶不失其  
一倘再因循日久不思增輯後之人卽  
一採擇而編載之苦於文獻無徵則  
一彙之因革損益政績文章人物風土  
一何不湮沒無聞謂非守土之咎歟夫  
一百之收令額設公費無多欲其聘延  
一彥多人開館纂輯付之剞劂誠力有



宋遽然就一邑中紳士擇其品行端方  
素有文名者一二人與之商確考訂照  
一依舊誌條欵逐加增輯抄錄成書一由  
司府備查一付禮房收貯俾後之人稽  
考有據可以踵事而纂修之其事簡而  
易行其費約而不繁當亦諸君子所樂  
爲也合行通飭須至牌者

序

國有史郡邑有志其分合  
繁簡雖殊而其紀綱體要  
無異志之為書凡是野山  
川土田疆域戶口財賦之  
屬無不備陳要以風俗人



情為本蘇子瞻謂風俗誠  
厚不患於弱而貧誠薄不  
救其強與富是以有護惜  
風俗如護元氣之說古者  
輶軒之使循行通都大邑  
以及僻壤遐陬採其歌謠  
紀其好尚由一鄉之講讓  
型仁風淳俗美足以鼓勵  
一邑樹之風聲推而至一  
郡一省莫不大同故君子  
觀於鄉而知王道之易

三  
言  
鄉  
風  
泰  
膺



一  
期而後臨  
通衢車軌  
四衝地多  
瀉涵其民  
好稼  
稽重禮文  
習淳尚賢  
丕變  
於古署牧  
何君以續  
輯志  
稿初竣問  
序於余  
以風  
俗成於教  
化我

國家重熙累洽  
摩義漸仁  
聲教四訖  
矧豫為地  
與與區  
方今

聖天子邇隆之治  
浹髓淪肌  
則敦龐渾厚之氣  
無不可於



鄭之一區現之夫志以激  
勵獎勸亦廣教化之一端  
何君攝鄭事甫及期而能  
亟於增輯可不謂知所  
先後者歟攷鄭志康熙癸  
酉以前即無先人司志

稱其治鄭五載善政累  
尤以興水利免田糧立學  
校為最殆能培養風俗得  
其本原者今君繼蒞此邦  
後先肇述纂就前緒即以








言繼起修之乞余言以弁其首余何敢  
辭余惟鄭為歷代用武之地及明季而  
寇噬兵燹其禍更烈土地人民漸滅殆  
盡迨我

家統一寰宇重熙累洽漸仁摩義浹  
淪肌民生其間不見兵革者已百年矣  
憲之所載戶口田賦學校人文以及孝  
悌節婦義夫皆視昔為盛自漢唐

特授河南分府

按察使司副使加一級金山





國之禮儀而律法之變遷者雖曰方之享一莊諸  
侯列國皆有史令而志之志史之遺也自漢馮  
遷班固而後志之書見如皇圖寰宇之類不下  
數十家上之天文下之地理中之時世之興替  
風俗之淳漓刑政之得失以及災祥險易芸生  
蠢動無不條分縷析聚米剖沙曉當世而信後  
人作者不苟焉地近家士大夫競推康對山武  
功志豈非以其史才史筆綜最精當有過人處



歎余莫成事

予家豫大河南北是邱墟通中州爲天地奧區  
如雄麗民物殷靡洵商周以迄昭代遺蹟極多  
鄭之於豫僅若彈丸黑子無高山大麓環異奇  
觀而地勢平行濱河附省處四達之衝自昔有  
繁劇之號戊午春余來是邦檢閱舊志自康熙  
癸酉後未經脩輯因思此五十餘年之中風氣  
日以開生聚日以滋事事物物紛彙錯出者不  
知凡幾若任其寢傳寢失不將至於泯滅且盡  
予人莫無徵之嘆故甲子菊月會

清意趙以志乘關乎吏治檄下所屬纂脩余

乃勾稽案牘咨詢紳耆凡郊坰鄉墅古碣殘碑

皆羅而致之抄撮釐訂越數月而志遂以成願

以志者記也因事論事因物賦物之義也不宜

太繁繁則累枝綴葉開卷生厭不宜太簡簡則

望一漏萬蒙霧難明茲之所輯仍其舊而斟酌

損益於其間至如堤埽之更築河道之通濬灘



堰之豁除城隍廟署之修整皆數年間夙夜



露而經理之忠賢勲業節孝貞善之人又皆深  
知灼見無敢瞻徇其餘之同乎昔者異乎昔者  
今昔互異者咸雲委波續部居班就不敢忽察  
然具陳瞭若指掌庶幾引前人將微之緒而繼  
此之守郡者有所考證矣昔王弼州以司寇家  
居探賾索隱為史料百卷士君子之留心當世  
若此矧余忝膺民社歲月綦深豈敢自文固陋  
不彙集成書以副

國史之料之萬一乎因捐俸付梓為弁數言於首  
乾隆乙丑夏五月之吉

賜進士出身奉直大夫知開封府鄭州事清苑張  
鉞撰





續增新志序

美詞高筆削之權則

未嘗若之強備一

位與若之責余切承

庭訓不敢遠忘凡研筆

入文館以五省一命之榮



考其不宜之儀耶  
徒為守牧修一方之志  
而之也然其志乘之  
亦可不以觀夫河故  
之編季紀月龍了年  
表月表也示關一日不遺

一事何後之覽也按籍而  
稽聖德身目至精兼也  
學者清史書或可關文  
終義經不披羅考訂補  
三所於刻身日所經也  
俱極歷之可紀君可因徇



急緩先諸首若也哉乾  
隆丁卯秋奉事檄奉攝  
鄴奉主政之所循覽  
志見

初唱自為守三物劉  
劉繼源照奉正以若臨

習先夫夫承五時昭  
乾隆乙丑以荷則自前守  
清苑張公續輯上下百  
之問世戶之繁強土田  
三開辟疆域之政隸以  
之維風科第之輩



素教化風俗之振其章  
立治行仁之賢否皆不如  
學上德級繁結立目竊  
快然嘆曰志不可已  
也如是矣出者人視同  
巨務稍多因徇庶察

一事一曰一科一已遠  
感當此始以之視考後  
視念可制新案志不  
無蒙  
三憲至知運行難為敢  
志承先人備得繼



運而一敢忽其職三  
系乾隆六年  
福之理者續之  
一  
考云爾如紀載任  
掌司馬遷續

續修鄭州府志序

嘗覽觀夫天地古今之大隄谷有變遷人事有興  
推史傳載籍壽考久而不磨郡國之有志特具  
之一體而其中之見大見小傳信傳疑又在乎人  
心因時隨地蒼萃筆削而不以悠忽視之鄭自三代  
以後或為國或為縣或為郡更易遷徙不一要稱文  
之邦焉明季兵燹之餘故府典籍悉為灰燼  
諸先達收合散亡參互考訂勒成一書迨康熙癸  
酉再修日張綱舉其製大備然自是以來歷有在



竟無議及此者歲次戊午上谷 張公以名進士來  
我郡本學問爲治功政無不舉印床花落鈴閣餘  
滿每燕見士夫必咨詢遺逸余窺公意蓋有心志事  
久矣既承

左伯趙公之命遂出素所見聞復加增繕裒集而一州  
之典備而無憾余於是快觀此書之成而益信公之  
整頓周詳爲不可及也公甫下車卽修黌宮肅觀瞻  
而振文教也次城池固疆域而慎風雨也築堤防豁  
灘稅審勤窳而蘇民力也壇廟之關祀典者新之

梁之便往來者建之菴荷不驚獄訟以息士安於誦  
民安於耕商賈安於市凡此數年來何一非繫公之  
夙夜躊躇者而又能以其餘力從容掌故考核既精  
揚權必當使上下千百年縱橫幾百里之事不漏不  
支彙爲鉅觀非才大心細理煩劇如游刃而能若此  
乎余學術迂踈老而益落是役也公不以爲不才偶  
奉一二亦見采錄因弁數語簡端以誌其概是爲序

乾隆乙丑仲夏

同進士出身任陝西延安府宜君縣知縣郡人毛汝



禮樂志

職官志

選舉志

風俗志

名賢

孝義

忠貞

政績

善行

武功

第九卷

人物志

烈婦

烈女

孝婦

節婦

隱逸



方伎 文學 流寓 仙釋

第十卷

藝文志 有序

制誥 疏 檄 議 傳 記

第十一卷

藝文志

序 雜著

第十二卷

藝文志

賦 歌 頌 詩 詞 雜著



注貢

羅憲淞

崔文滋

王天植

李本固

于大鰲

王烈

李本寬

孟通五

賈振英

李元復

吳曉

孫勝蘇

宋立基

劉生已

賈珂

張如

一

益姓

鏡

孟之濤

羅光述

張如

李長寧

張如濂

徐大用

孟如

姓



魏 鏐 李長壽 張如蘭

劉佳德 劉春霖

興志圖

郡志有圖便觀覽也疆輿山川城池衙舍學宮  
繪冊首尾如古蹟形勝亦一郡大觀故併及之一



興志圖

圖

























荒不見鳳來翔路  
 鷓鴣塘得小涼十里  
 薰風三尺水紅雲擘  
 出翠雲鄉

張鉞





海峯遠眺



遠近羣瞻卓筆無  
心出岫忽升騰  
離怖梵天近  
靈繞上層

張鈺





海寺晨鐘



心成境墨漏已沈然

聲清響振砥舟邯鄲

字枕驚回夢鶴与枯


禪定慧深

張鉞





雲臺仙境



群粟遺榮善自全  
蓬一語寧真詮  
西遊  
迥在人间  
竝羸  
得  
秋強  
歸仙

張鉞





龍岡雪霽



龍岡雪霽

龍岡雪霽

龍岡

龍岡

龍岡

龍岡

龍岡

龍岡

龍岡

龍岡

龍岡



皇清凡有血氣熙熙和寧  
天有顯命付我

太宗既定既平

天啓修

皇宗錫以美  
亦清  
黃河清唐太宗奮武恢文禮賢納諫時則黃河  
聖土盛德大業有而不居如天之不言所利而臣肄業  
禁庭慕雅頌之遺音睹太平之瑞應懽豫之必不能自  
秘謹拜手稽首而獻頌其辭曰

皇清凡有血氣熙熙和寧

太祖

太宗既定既平



世祖

聖祖大啟文明於藝我

皇惟則生知法

祖尊

親繼志紹徽曰政何施曰民何依時克弼亮以襄我治  
 皇天明鑒聿降嘉祥月維上吉時則大長河伯效靈馮  
 夷呈祉濁流載清綿二千里黃沙自汰碧波如澄瀾漫  
 灑漾邈邈迴縈普天慶溢率土歡同僉謂上瑞我  
 皇之功

皇功其普肇自

列祖

列祖徽猷

帝以為矩乘乾膺錄恩周庶物  
 天心默佑錫以祉福其錫維何猶與孔多河清海晏  
 雨旻和自古在昔渾渾黃流疏濬浚導功止懷柔惟  
 皇天子德音孔肯精誠昭格緜我嘉履惟河之澄民安  
 其生惟河之清民安頌頌其愛頌民安爰揚官守  
 一人所致無疆



又

銀漢煥光河精發露光齒爾巨浩渺汪洋宿列星焉  
經積石隄澄伊黃天浴日日既清止休符顯奕徐  
滄泗于聖壽碧馮夷息浪河伯安瀾五老上告紫蓋  
翻滌而濯矣既清且此澗其濁矣既迅且駛鏡流瀾  
三波連連上映下澈天水相鮮疇克澄其源疇克致其  
其觀自蒼旻景福永綿以光我萬年

皇帝遣太常寺卿王濟致祭於

周世宗文 癸丑十三年十二月

周世宗之陵曰禮崇典祀光俎豆於前徽念切景行荐

馨香於在哲維

周世宗繼天建極撫世誠民豐功現澤於簡編峻烈昨

垂於宇宙廟典型於在昔凜法盛之常存朕以

躬繼登大寶屬膺圖之伊始宜展祀以告捷特遣

專官祗遵羹饗苾芬在列脩三獻之盛儀

靈爽式憑仰千秋之明德尚其

敬格永錫洪禧謹告

鄭州志



御祭周世宗文 乾隆二年七月

皇帝遣內閣學士兼禮部侍郎雙喜致祭於

周世宗之陵曰自古帝王憲天出治建極綏猷德澤洽

於萬方軌範昭於百世朕纂承鴻緒景仰前徽茲

於乾隆二年四月十六日恭奉

宗敬天昌運建中表正文武英明寬仁信毅大孝至誠

皇帝主配饗

園邱禮成特遣專官虔申昭告惟冀永祐雍熙之盛益

昭安阜之隆庶鑒精誠尚其

歌格

御祭周世宗文 乾隆十四年六月

皇帝遣都察院左副都御史葉一棟致祭於

周世宗曰惟

帝王繼

天建極撫世綏猷教孝莫先於事親治內必兼於安外典

型在望緬懷至德要道之歸景慕維殷心希武烈

文謨之盛茲以邊徼教寧中官攝位

嘉慶晉號慶洽神人敬遣專官用申敬薦為仰惟



歌格永錫鴻禧

興州志卷之一

星野志

舊志先星野重天文也而或者乃曰天體甚大地  
 渥其中如架核地球甚廣國介其中如彈丸无鄭  
 土夙號叢爾今又析為數郡縣則盡州之境不過  
 彈丸上之黑子耳亦烏知其上應何宿果屬何度  
 哉此其究詰不可謂非研理之論也然嘗旁搜天  
 官家言皆以辰為壽星之次於宿為角亢於野為  
 鄭則鄭隸角亢之度而凡鄭有休咎必以二宿為



占理或然矣為之志星野而併及本地之祥異

角宿

角二星十二度為東方七宿之首距南大星去北極九十八度半其間天門其內天庭黃道經其中日月五星之所行也兩角之間陽氣所生左角為理主刑其南三尺為太陽道右角為將主兵其北三尺為太陰道黃道與赤道交絡其間八月日至此是為秋分南北去極各九十度贏晝夜長適均此所稱天中也

亢宿

亢四星九度為東方七宿之次距南二星去北極九十六度與角同宮其當赤黃二道畧與角等亦日月五星之所經也四星踈朗主天子內朝亦為踈廟其象灣曲如弓步天歌能言其狀

角宿雜座

左右角間二黑星曰平道天田二黑星在右角北平道西一黑星曰進賢在太微垣東周鼎三黑星在攝提西天門二星在平星北平星二星在虛樓



北庫樓十星其六大星為庫南四星為樓在左角  
南旁十五星三三而聚者為柱中央四小星為衝  
南門二星在庫樓南以上諸星皆在角宿十一二度

丙

亢宿雜座

大角一星在左右二攝提間亢南七黑星曰折處  
左攝提三星右攝提三星直斗柄之南頓頑二小  
星在折處東南陽門二小星在庫樓東北以上諸  
星皆在亢宿九度內

角宿諸星占驗

角二大星主發生明大則吉平道為八達之衢宜  
明正不宜偏斜幽暗大田主畿內壤地不宜金火  
水守之金守主兵火守主旱水守主潦遠賢星明  
則賢者在位野無留良周鼎主國之重器無暗昧  
遷徙則運祚寧天門主天之門為朝聘待客之所  
明則四方歸化平主平天下之法獄廷尉之象  
也明正則吉庫樓主天庫亦為兵車之府衝柱主  
陳兵不宜明大動搖南門為天之外門明則遠方



入貢

亢宿諸星占驗

亢宜尚不宜直明大則四海歸王輔臣納忠入無  
 疾疫大角為天王外座又為棟樑不宜金火守之  
 折威主刑不宜過明左右攝提主建時節伺禳祥  
 以夾擁帝座九卿大臣之象不宜光芒動搖顛頑  
 主考察情偽陽門主邊塞險阻之地總不宜客星  
 守之 以上舊志

那七星張鶴火也初那七度餘四百六十四秒七朱

中七星七度終張十四度北自繁澤滎陽並京紫  
 暨山南得新鄭密縣至外方山東隅斜至方城抵  
 桐栢北自宛葉南暨漢東盡南陽之地又自洛邑  
 步負北河之南西及函谷逾南紀盡弘農以淮源  
 桐栢東陽為限即古成周號鄗鄭管東號密滑焦  
 唐申鄧之墟 唐天文志

天市垣其西南第八星曰鄭去極七十一度入房三  
 度在河南滎陽 管窺輯要

角宿主造化萬物布君之威信又左角主刑右角主



兵度十二度一十二分其中為黃道自軫十度外

末氏一度於辰為辰子分為鄭於野為亮

管窺  
輯要

軫十度至氏一度壽星之次也河南之鄭州氏分

天明

志文

按星步之說諸書所見不同有舊志未載者今並

錄之以備考正

祥異

唐建德六年八月鄭州獲九尾狐

唐武德十七年鄭州河清

咸通七年永福湖水赤如凝血者三日

宋景德四年鄭州索水溢

明嘉靖年間州東白佛村牛產麒麟能食鐵農家誤傷

之皮貯州庫今失

宣德四年鄭州有婦一乳生三子詔給粟帛

又州北關玄帝廟內天降銅棺一具人爭往試體

皆不宜驛官鄉宿挺身入內適相合銅蓋駢首空

中覆之音樂齊鳴冉冉而去

萬曆十六年瘟痧大作民死幾半人相食



十七年黑風自北來晝晦如夜自巳時至子時方  
見星

三十四年飛蝗蔽天自北而南食禾幾盡

巳亥冬學宮泮池內結冰花枝梗花葉如畫

四十一年秋大水平地深丈餘人物漂沒無數四

十七年大旱麥禾全無

天啓七年城內書院開品字蓮花一枝

崇禎二年冬大雪深五尺餘

八年夏大水田廬漂沒殆盡

七年沙鷄自北而南千百成群鷓者曰殺機動矣

八年至十三年每歲夏九阜飛蝗蔽日禾枯糧絕

民窮盜起

十四年春瘟疫大作死亡滅絕者幾百家

國朝

順治九年四月大雨雹擊禾盡傷

十一年大雨雹擊屋傾萬室如一家

本年州東鳳凰臺池內開並蒂蓮花數枝

十二年十一月十五日與國寺殿前夜湧花二枝



如人手高尺許上下表裏皆豎紋潔白秀麗可愛  
 愛僧折之十六日早其地暖氣上騰如開蒸籠  
 又湧出一花根二吐合為一色紋如前大槩似  
 荷花至二十五日其地又生一花高三尺大如  
 箕下分吐合色紋似如前而其花則似牡丹  
 時觀者如堵或曰此天花也

十三年三月初五日中午時赤風自東北來入夜鐘  
 器草木皆有火光

一康熙三年冬白氣川  
 一三丈七尺其色白為

志卷之二

輿地志

論字內之形勢者皆謂西北高而東南下此其大  
 勢然也若夫直省各郡邑川原繡錯支異孤殊之  
 條分縷析自有各為高下者又寧可概為一之  
 鄭土狹隘介在嵩少軒箕之良隅其勢西南高而  
 東北下高者沙薄下者巖鹵西南既高則流峙皆  
 鍾於西南東北既下則藪澤皆聚於東北而鄭之  
 大槩可觀矣為之志輿地併其地之沿革疆域形



勝山川關阜陂澤溝洫堤防古蹟陵墓悉志焉

三墓

三農陶唐時草昧初開水土未治其地無考

三農豫州之域

為其管叔鮮於此成王時以流言國廢至平王京遷鄭

伯從王寄帑於號鄭之間徙都鄭

今新鄭高辛氏火王祝融之墟鄭白

西周咸林徙居此此為鄭北鄙

秦併六國置管縣屬三川郡

西漢屬河南郡東漢亦然

魏晉俱省入中牟縣

魏為東恒農郡

置廣武郡

置滎州尋改為鄭州

開皇十三年置管州大業初改鄭州治管縣又改為

滎陽郡

置鄭州屬河南道領縣七

管城滎澤原武滎陽新鄭中牟陽武

天寶初

為滎陽郡乾元初復為鄭州

舊志

武德四年置鄭州滎陽郡治虎牢



貞觀七年徙治管城新唐書

宋熙寧五年廢州以管城縣屬開封府元豐八年復置

州崇寧四年建為西輔屬京西北路陞奉寧軍治縣

如故

金元復為州領縣八管城滎陽汜水河陰原武密縣新鄭滎澤

明省管城以州屬開封府領縣四滎陽汜水河陰滎澤

開封府之

嘉正二年總督田題性直隸州領滎澤滎陽河陰

汜水四縣

二年總督王題仍改歸開封府

疆域

鄭州在開封府西離府城一百四十五里

東至中牟縣界三十五里至縣七十里

西至滎陽縣界一十八里至縣七十里

南至新鄭縣界五十五里至縣九十里

北至滎澤縣界三十五里至縣四十五里

東北六十里至原武縣

西南九十里至密縣



東南四十里至中牟界

西北五十里至河陰縣

形勝

西望太室東鄰巨藪梅峰峙其南汴水環其北通衢四達冠蓋絡繹

山相

梅山在州西南去州一舍許高數十仞周數里筋石

嶺土頗稱雄厚澗之鎮山也其脈來自嵩嶽經密

縣皆為石山至此脫為土隆然突起狀似乳形

郡之望西南諸岡嶺多原於此其稱梅者詳或

謂舊多梅花故山之巔有廟三曰三皇廟一曰

碧霞元君廟春秋楚為子馮率師侵費滑還師即

此地

泰山在州南去州四十里當州之丁位與梅山東西

斜對卓然可愛而泰山之巔較梅山為尖秀蓋一

郡之文峰也舊亦名梅山以其山能吐雲不亞岱

宗之膚對而合故又名泰山凡州南三十里外之

岡皆原於此其山三面陡絕不可攀躋惟南隅登



石爲階可以漸登上有泰山廟在山之巔三仙廟  
在山之巔每當縱目遠眺見雲樹蒼茫諸村落皆  
可指亦闔郡之奇觀也盡州境祇此梅泰二  
山其他若舊志所載野鷄山乃郡城西南角之高  
處也

崇禎山乃北城門外崇聖寺後舊城址日久積沙而  
漸厚者也皆不可謂山故刪置同阜內

以土  
舊志

黃河自萊蕪縣交界胡家屯起至李李縣交界楊橋  
止共六十餘里向來河勢中流去南堤尙遠自

正德七年後漸次南徙遂於來童寨裴昌廟等處  
建堤防護嗣後大溜復直逼堤根因慮湮沒不可  
勝計更增十七十八堡等處土壩堵工歲搶修  
大工累乾隆三年九月內自來童寨東北沙壘  
淤積河勢自北而南直趨黃岡廟三日之內衝斷  
堤北灘地一里餘蓄去大堤之半計水面高平地  
一丈餘洪濤洶湧勢甚可畏河道胡一洞知張允  
然知州張鉞急率民六三千名晝夜督護內戲外  
築埽工堅好得保無恙以後每遇水漲隨埽隨築



十六堡至十八堡埽工陸續增修長至五百八十二  
 四丈丁夫艸料官民交苦之乾隆六年一總河言  
 勘撥令開引河一道自原武縣界起一鄭境至三  
 牟之楊橋止共長一千三百餘丈河溜從此歸火  
 引河而堤工得以稍息然其秋水潦兩河分流其  
 舊河堤埽仍宜加謹防護按河為鄭患舊志未載  
 故附記之

汴河今名賈魯河又名小黃河以元臣賈魯嘗治之

而北與黃河相表裏也又西南諸山路之水

州之巨川源發於郡之坤隅離郡城五十餘里

源不一有峪有泉有池峪曰聖水峪其水出黑龍

廟前石窟中深不可測遇旱輒零於其地屬寧縣

泉曰暖泉水泉屬榮陽王瑒聖水泉盛夏難乾

泉隆冬可浴俱在黃帝嶺下相去不數武而冷

不同池曰胡家池田家池申家池皆湧水如翻

其外諸岩泉或從高崖瀉下或從深峪流出其可

悉舉南隔駱駝嶺另一派其源有二一出界牌

東北流為周家河一出梅山西坡也尋河



李家河二派合流經石磴成瀑布北流爲范鎮  
河又北爲鄧通若河亦汴源之別支也其出自聖  
水峪與泉水池水合流者多在深谷石土其石層  
鎖處如水磨河之瀑布時家砦之瀑布皆自石  
傾下聲可遠聞而其聲又能或泚或息高下不常  
可占風雨亦一異也東北流至高龜砦與鄧通若  
河會土人謂之合河口自是北流經馮家灣鄭家  
灣至京水砦京水西來與之合爲官路東西渡口  
又東北流至幾橋受索河已合之水遶州西

流至東北折而南漸轉中牟達祥符縣仙鎮此  
其大畧也按此水在鄭迴渠窄小不能容水且河  
身較兩岸田地稍高故夏秋水漲屢肆湮沒前數  
年黃河大堤未築雖有泛濫猶可洩入黃河近於  
癸亥年修築大河月堤將此水開渠南徙水無所  
洩爲害滋甚遂致兩岸旱田隻禾不獲計淮開福  
糧稍稍望西成以供租稅焉

舊志

雲津河卽今賈魯河其經行之中道先自王家樓  
姚店是至陳家坡花家坡姚家橋一帶馳馬



西面沙繞汪洋停蓄終年不消雍正八年  
 長萬福來等稟懇開濬經年始得請于  
 王 將淤塞情形 奏明會同 河憲白  
 勸徽委開封府張 知州陳廷謨改挑新河一  
 道由于家庄申家庄張家橋乾柴李牛家  
 琵琶陳夏家庄等處達中牟境又于河之北  
 增築長堰其沙圃空隙之處槩行補築嚴密  
 亦方無浸漫之虞而花家坡一帶積潦亦消  
 張家橋等處淤積田民獲其利皆

之為

金水河俗名花河在城西關外一里乃鄭水之西派  
 也源出梅山北麓龍池東流經黃岡寺耿家河  
 漸至郡西如金帶以其來自金方故名金水舊渠  
 自回回墓東北遠舊城與祭鼓水合總名鄭河後  
 知州趙鼎臣請自西關改入城濠遂棄舊渠然  
 水注未順每遇汛漲猶必溢入舊渠焉  
 按金水河今自西關至北關 朱家郭村等庄抵  
 姚家橋合河口入賈魯河



一 七里河在州南七里有北源南源東源西源三源北源  
 二 一出梅山前一出泰山西南源三 一出泰山前  
 一出郭店西中源 一出站馬屯流僅一線至南計  
 里舖始成渠其出自梅山前泰山西者至司家舖  
 合流東北為十八里河又北為武家河安家河三  
 與站馬屯水會渠出自泰山前郭店西者至占  
 錫亭合流東北為二十里舖河又東北為魏家河  
 馬家河轉向西北逆流至州東南與西來七里河  
 水合土名岔河總謂之七里河下經水磨逾官路

而北注祭城與金水會于蔡澤中名曰鄭河引水  
 可以灌溉民咸利之但下無歸宿不無望於挑濬

也舊志

按七里河今自東村里舖 祭城西胡家庄抵合

河口與金水合入黃河

潮河在州東南三十里亦名樂河源有二一出  
 東南樂相公廟前一出毛家砦二派合流東北經  
 席村南曹達州東二十里舖列子觀前入中牟界  
 其水在商曹可以灌稻每曰二潮故名



接經河水帶沙流每遇夏秋漲發勢甚洶猛沙積  
漸高水復轉經他處數十年來河形並無一定  
南曹村及集陰家庄燕家庄等處各村  
均受其害延年積成淤沙長七八里風  
塵一起沙飛蔽天居民深以為患乾隆八年知  
州張鉞奉府憲命勸議由楊家灣開田東家  
南入中牟界俾開通順竟使利

開田

黃土岡俗名...

山之北麓拖為岡焉也曰尖岡直長數  
里之若鄂鄂然至州之西北巖巖城折而東南  
州之亥龍上多塚墓借五龍口曾經鑿斷地脈  
傷堪輿家不無嘆息云

家岡即王許家岡又名烟整坡在州西南去州城  
二十五里乃梅山之東麓拖為岡也其勢巋然  
為州城發脈處

二里岡在州城東南二里許岡勢盤曲其東北為鳳

鳳臺



野雞岡卽州城西南隅之高處也舊與城外岡相連  
爲土脈入城處明季因濬濠壅斷形家每惜之  
郭店後岡在州南四十餘里乃泰山之東支也周  
宗陵在岡前其西南爲武家岡

馬頭岡在州東北二十五里元時河決榮邑此北  
頭岸也今其地多水患

賈家岡牛家岡單家岡薛家岡俱在州東北其地

岡頗多率遷徙無定俱不載以上舊志

陂澤

陂湖卽陂射陂也在州東五里堡南廣可十餘頃水  
光如鑑前對鳳凰臺如屏如幃夏月荷花盛開香  
風襲人一郡之勝樂也旁有雷家潭其水四時不  
竭與八里灣相連北魏以此賜僕射李冲因名爲  
玄宗更名廣仁池今金水改注城東每溢入湖中  
漸覺淤淺

鰲湖在州東十三里田野間聚水之澤也以多鰲  
鱉得名今漸淤涸

梁家湖在州東南二十餘里廣可數頃亦田野聚水



之澤也內可採蓮取魚旱歲則漸竭

龍鬚澤在州東三十里舖水草叢聚潮河流至此曰龍鬚河東西五十里南北二十六里西限長城東極官渡高者可耕窪者成滙今為澤者八若京西西澤之類為陂者三十有六若大灰小灰之類其

實一圃田澤耳

以上舊志

按圃田澤有水曰龍鬚澤有橋曰順德橋古曰

澤也載在周禮後宣王田獵于此詩曰東在

甫草即此

流

東北開渠一道所以洩賈魯河氾漲之水以妨淹

沒也蓋賈魯河兩岸窄狹不能容水且河在高處

而兩旁卑下不得不另開等河一道以洩泛溢之

水渠在賈魯河西起自東趙京水下經馬頭岡郭

村薛家岡常家庄沙溝潭直至吳遇夏家口水道

通利其旁荒地亦可墾種原係知州陳一魁具文

申請蒙

憲檄勒期督濬

舊志

輿地志



梁家湖有舊渠一道乾隆四年知州張鉞督率附近居民挑挖以洩瀉河水自梁家河起至朱家墳前入灤河止計長七百二十丈寬五尺深五尺不等

二郎廟舊渠一道向資其水以灌溉田禾年久淤塞乾隆九年知州張鉞督率溝頭孟通五等挑濬自二郎廟西南灤河東起至燕家庄入灤河而止長一千一十七丈寬五六尺至丈餘不等深六尺

堤防

大河南岸舊堤在州北四十里年久傾圮

新堤在大河南二里許係康熙癸亥年築自滎

澤縣界起東接原武縣界長數十里高四丈址

寬十丈望之屹然

舊志

新築月堤在黃岡廟後長五百丈乾隆四年八月

知州張鉞興修

新築藉護鐵堤在黃岡廟後長二百七十八丈乾

隆四年九月知州張鉞興修

新築胡家屯月堤長一百五十五丈乾隆九年



開州張鉉興修

賈魯河堤自張家橋起直達中牟境長四十二里

六十年乾隆元年知州陳廷謨勸帑興築

舍利塔在開元寺高十餘丈唐時建

飛白安民字亭宋皇祐五年建今廢

浮波亭在州治後宋顯堯佐判鄭州時建今廢

僕射陂在州東後魏文帝以賜李冲今名八里

夏月蓮花

又... 隱... 石... 今廢

曾公亮省耕處在州北許橋舖

梨花城在郭店東北後周美... 佳城也

子太叔攻盜處在州南五里即崔苻澤池

古邨城在州東十里舖左傳宣十二年晉荀葵父

帥師與楚子戰于邨即此地

劉將軍大捷處在金水河西岸有碑存

八郎寨在州東南俗傳擒王彥章在此

祭伯城在州東北十五里今廢周公第五子所封



地

御井在州西門外明興潘入承天統駐蹕于鄭此其汲水處也今存

飲馬池在州西離城一里

八卦御風臺在州東二十里舖南相傳列子西行

御風卽此

記見藝文

鳳凰臺在州東門外三里許世傳有鳳凰集故名

侯月臺在州治後今廢惟侯月臺石刻尚存

以上舊志

牽渠魏寧招爲廣武太守郡城井苦不可飲始鑿

泉漢書外清泉注之民以爲便故名在州境內

古渡一在西郭外一在北郭外

莘城在州城東鄭桓公寄帑于號有十邑莘其一

也

武彊城在州東三十里曹參擊項羽攻武彊卽此

以上

通志

陵墓

後周世宗陵在州南五十里代遣官致祭各有碑

文御祭勅見藝文



唐裴晉公墓在州南三十里有州守張可觀墓表辨

見藝文志

元霍順墓在州西十八里有翰林學士元明善記

宋三德月墓在州南四十里有宋學士韓絳碑文

元陳留侯哈丹墓在州東三十里有學士吳徵碑文

明南陵王墓在州西七里塚前有周王崇易碑文見藝文志

明遂平榮靖王墓在州西北姜村保有紀善梁璣碑

明...在鳳凰臺

明...在彰墓

明...見藝文志

漢周勃墓在州西北三十里漢周勃

宋任湯輝塚在州北三里

明四女塚在州東南五里

明澤園亦名義塚四女塚碑以上舊志



*[Faded vertical text columns, likely bleed-through from the reverse side]*

蘭語考

卷之二

*[Large empty rectangular area with faint horizontal lines, possibly a placeholder or a page with mostly illegible text]*



城門四座東門曰東門南門曰南門西門曰西門北門曰北門

城門四座東門曰東門南門曰南門西門曰西門北門曰北門

城門四座東門曰東門南門曰南門西門曰西門北門曰北門

城門四座東門曰東門南門曰南門西門曰西門北門曰北門

城門四座東門曰東門南門曰南門西門曰西門北門曰北門

城門四座東門曰東門南門曰南門西門曰西門北門曰北門

城門四座東門曰東門南門曰南門西門曰西門北門曰北門

明宣德八年知州林厚修築正德間州守蕭淵

相繼修葺皆係土城至崇禎十二年知州

任因流寇猖獗創砌磚城被流賊折毀

元嘉中郡轉運使吳擇仁重修府志

二年知州張聲昇重加修葺百雉之觀偉然

七年知州王登聯建西城樓一座十餘丈

清建東城樓一座堪輿家謂東城樓宜高

順治二年急俟修葺以上舊志

自順治二年至康熙年間從未修葺雍正



五年知州鄒麗中畧為修葺不踰年而葺五  
葺葺葺葺葺多無其南門起自西至北門在正  
葺葺葺知州陳廷謨葺葺葺葺自南門迤東至  
葺葺葺葺更甚乾隆三年夏知州張鉞葺葺葺  
葺于金一例修整又南門甕城續經冊聖九年  
冬知州張鉞捐資率紳士勸修合崇繕百餘處  
然完好記見  
藝文

公署

州治與州城南門對唐武德四年置鄭州時建

至明季為流寇焚燬

國朝順治十五年知州劉永清祇建二堂五間餘俱待

修康熙四十五年知州靳治徐按舊地重修舊志

鼓樓一座房三間四  
圍有抱厦儀門三間東西角門  
各一間戒石亭

在儀門內甬道中知州王克明葺葺葺六房東西各

六間承發戶總兩房向無乾隆十年知州張鉞增

葺三間于甬道之西皂隸房在露臺下東西各一

間乾隆四年知州張鉞增葺三間于甬道之東六

堂五間東西庫房兩間知州張鉞葺白遠宗遺葺



二堂五間知州張鉞額曰平政堂門房東西各一

間宅門一間三堂五間為官宅東西耳房十二間

東院十二間前三間有捲棚露臺向為書館漸次

頽壞知州張鉞重修額曰退思軒西院前後八間

二堂兩旁書館各三間南房九間土地祠三間

三儀門東側

聖善申明二亭在大門外久廢

縣院在舊治東今廢

縣衙在舊州治東因舊衙待修賃民宅

縣官衙在舊州治東因舊衙待修今移駐縣工賃民宅

吏目衙在舊州治東因舊衙待修賃民宅

學正衙在泮池東被水浸傾圯待修賃民宅

訓導衙在黌宮左被水浸傾圯待修賃民宅

縣防撫標右營把總衙署待修今賃民宅額設馬兵十三

縣參將

縣監防來 莫可考究或曰鄭當南北之衝所關

甚重分汛者原為鎮標鎮標駐南陽勤惰或不

時聞改通于一大中丞標下擇精銳者為之其



改易年月亦無從稽查今汛官或于總或把總  
每年一換輪流防守

學宮

文廟在州治東逼近東城漢明帝永平年間建元季  
兵燬明洪武三年知州張奮重建正統天順成化  
正德間知州林厚余靖洪寬劉仲和嘉靖十一年  
知州稍騰漢相繼修葺

本朝順治六年知州王登聯十五年知州劉永清學正  
戚若鯤劉紳訓導李樞協力重修廟貌巍然

置大... 快房五間軍皂房五間外門房

一... 堂三間東西廂房各三間寢房三間看卷所

... 房七間廚房三間雍正十三年州改歸

府生童仍留棚考試又於乾隆七年奉府憲朱

詳併禹州密縣新鄭三處合棚考試共八州縣

乾隆四年淫雨水發創塌幾盡知州張敏捐

重修

天書院

在南城下明崇禎  
間知州魯世

正堂... 楹拜厦五楹

內... 先師像殿宇歷久  
善... 乾隆十年春月



舊學 後庭三楹 內塑魯公像今為儒學 借居其內 寢房一間

今廢 待修 廚房一間東西齋房各三楹大門三楹二門

一間左右角門各一間

社學

舊州治前一所 今廢 暫借關帝廟後殿乾隆八年知

州張鉞撥入永興鎮王家堤等處逃戶灘地共三

十四段計地一項三十三畝八分每畝抽租一

錢五六分不等共銀二十六兩一錢零作

火之資如有不敷知州揭俸以繼

管城驛在舊州治西馬舖驛左

遞運所在三皇廟東 今廢

稅課局 今廢

陰陽學 今廢

醫學 今廢

僧正司在崇聖寺

道紀司在城隍廟

賓賓館在舊州治旁 今廢

街衢



東敏德街

西望仁街

南咸寧街

北清平街

廟衙街 在東

康家衙街 在東

寺衙街 在東

所衙街 在東

大市口街 在東

大神廟衙街 在東

縣灘衙街 在東

臧家衙街 在東

野雞巷街 在東

管驛口街 在東

馬脚巷街 在東

三官廟衙街 在東

羣華巷街 在東

孫家園衙街 東西南北凡數道 在城西



官井衙衙在南街

唐子巷在南街

紙房巷在南街

道學衙衙在南街

槐花巷在南街

回回營在舊州治東

府館街在舊州治東

偕樂巷在舊州治西

奶廟衙衙在北街

堂兒衙衙在北街

五道廟衙衙在北街

坊表

承流宣化坊在舊州治前

狀元坊為霍復中立今廢

解元坊為李春立今廢

文綉春梓坊為馮廣立今廢

世科坊為都察院右都御史王彰舉人王錦立今廢

祖孫科第坊為舉人王衡進士王繼洛立今廢



孟元坊為孫榮仁立今廢

世科坊為孫 綬立今廢

登科坊為曹宗璉立今廢

繡衣坊為曹來旬立今廢

進士坊為曹來聘立今廢

司徒尚書郎坊為盧思齊立今廢

進士坊為常志立今廢

詔命坊為封直隸保定府知府魏大岳立今廢

勅旌貞節坊為散官宋芳妻李氏立今廢

勅建貞節坊為義民燕惟欽妻朱氏立今廢

勅建貞節坊為生員虎呈彩妻李氏順治十八年立

勅建節孝坊為許懷妻張氏康熙五十年立

勅建節孝坊為郭濤妻張氏雍正十一年立

勅建節孝坊為李振業妻土氏乾隆四年立

勅建節孝坊為孟溥妻張氏雍正五年立 以上四坊在城

勅建節孝坊為弓枋妻毛氏雍正十年立

勅建節孝坊為弓寬妻毛氏雍正六年立 以上二坊在州

北弓 家寨



勅建節孝坊為李菁妻陳氏乾隆七年立

在州西三十里

須水

善坊

在西關外乾隆六年知州張鉞奉文建立旌表善良八年詳奉院批生監馬生午

百勝孟惇弓傑孟師儀李永寧魏鏡常懷智賈育英王天植減糶濟貧洵屬好義如詳刊入

遺蹟

社稷壇在西門外

社稷者共工氏有子曰勾龍為后土能平水土故

祀為社以報其功稷者厲山氏之子賈逵鄭玄

云厲山炎帝之號帝王世紀神農本起烈山能

種百穀故祀為稷以報其功

耨壇在西門外

乾隆六年知州張鉞建耨祠三間在城隍廟東

耨傳曰天子大蜡八伊耆氏始為蜡蜡也者索也

歲十二月合聚萬物而索饗之也陳氏禮書曰

蜡之為祭所以報本反始息老送終也祀之者

非特八神也而所重者八以其尤有功于田故

也其神之尊者非特先嗇也而主先嗇以其

有事于田故也鄭氏曰先嗇者神農司

是也農田峻也爾雅曰峻農夫也謂傳是



授之我者也曰郵表墮者墮井田間道也郵表  
 郵亭表也者謂畫疆分理以是為准也昔之人  
 為是而勞今我蒙之而逸蓋不得不報也曰獮  
 虎者謂能除鼠豕之害吾稼者也曰坊者謂  
 為隄防之入使吾禦水患者也曰木廩者謂  
 為畝澮溝洫使吾為旱備者也曰昆蟲者先儒  
 謂昆蟲害稼不當與祭乃易以百種是不然所  
 謂昆蟲者非祭昆蟲也祭其除昆蟲而有功于  
 我也

記曰八蜡以祀四方年不順成八蜡不通以謹  
 民財也

風雲雷雨山川城隍壇在南門外

風雲雷雨在天之神山川城隍在地之祇風俗  
 通曰飛廉風伯也風師箕星也雨師畢星也又  
 曰風行水吐雷從地中傳曰無水曰城有水曰  
 隍峙而為山流而為川易曰游雷震又曰雷風  
 不相薄水火不相射山澤通氣而天地定位各  
 本陰陽之氣而山川者陰陽之流峙城隍者陰



陽之融結無物無之則欲知萬物之終始不可不知陰陽之道故祀典所必崇焉

厲壇在北門外祭境內無祀鬼神

里社在各鄉村祀五土五穀之神

會典 俱遵

農壇在東門外雍正五年建乾隆五年知州張

鎮重修正殿三楹東西廂房各一間

城隍靈佑侯廟

在州治東洪武二年勅封靈佑侯有御製碑文見藝文志弘治

四年知州石純粹重修嘉靖六年知州劉汝觀

重修隆慶四年知州李時選重修康熙三十年

知州陳一魁重修五十二年知州張鉞重修樂

慶乾隆五年知州張鉞重修

金龍四大王廟

在州西門外按神謝姓緒名杭人也幼多異徵長折節讀書本理宗

謝后從侄不欲以外戚進泊元師入臨安帝后

托去神憤恚投苕水死死之日水湧高丈餘尸

豎流上經旬不仆明將傳友德與元兵大戰呂

梁勢不支兵士忽見金甲神行空橫槊刺元將

河夜示夢友德稱錢塘謝四秀才事闕太祖

親製辭贊號四大王詳具本傳又有黃大王名

才字英傑河南偃師人生而狀貌非常幼時

墜井投河皆無恙後築埽指泉屢著奇績袖食

錢千萬人不竭其他靈異甚多不能悉志生

嘉慶三十一年十二月十四卒康熙二十一年月日

子前乾隆三年封

襄濟王今附于廟



真皇帝君廟

在州治東 宋太平興國年建 崇禎年間郡紳陰化陽等重修

康熙五十五年知州張鉞重修 乾隆九年知州張鉞因禱雨輒應復加修葺

三皇聖祖廟

在州治東所巷

聖母廟

在州治東

真武廟

在州治南紙坊巷 舊址

三官廟

一在州治西一在東門外久圯乾隆八年郡人魏鏡等重修一在州南十里舖傾圮

魏鑑重修

知州張鉞撥給香火地十七畝

裴昌公廟

在州治西 記見藝文

樊將軍廟

今莫識所在有賦 揚修記見藝文

李翁公廟

在鳳凰臺 記見藝文

王虎廟

在州西郭外

濟瀆廟

在州西郭外

三聖堂

在州治東北四圍壁 在州西門外小北巷

三結義廟

在州西門外小南巷

重醫廟

在州治南孫家園康熙五十一年道 士海揚募修雍正三年郡人重修

聖光廟

在州南郭外

張仙廟

在州南郭外



龍王廟 在州南

五道廟 在州北

五龍廟 在州北郭外乾隆五年知州張鏡添建拜殿三楹

山廟 在州北郭外

公廟 在州東南南曹鎮離城二十五里

東嶽天齊廟 在州北皇甫庄

三元宮 在州西十五里堡

三郎廟 在州東十里鋪

馬社廟 在州治西一在州治東春祭馬祖夏祭馬牧秋祭馬社冬祭馬步

天仙廟 在州東二十里鋪

碧霞元君聖母廟 在州南梅山

玉皇廟 在州北東趙鎮

龍王廟 在州西紙灣

三元寺 在州治東創建於唐宗開元年頭門內唐建舍利塔一座見古蹟

三聖寺 在州北郭外創建於宋熙寧間明洪武十五年修置僧正司景泰間重修順治

九年僧福山重修康熙二十九年僧慧珍重修

三聖寺 在州東北三十里



雲雲寺 在州東南二十五里

漢福寺 在州東北十五里

延洪寺 在州西北二十五里

寶相寺 在州正南三十里

白佛寺 在州東二十里

祥雲寺 在州北三十里

奧國寺 在州北二十里

聖壽寺 在州西南十五里

隆興寺 在州西南三十里

德林寺 在州正南四十里

海灘寺 在州西北六里屯

石佛寺 在州西北三十里

觀

列子觀 在州東圃田三十里

軒

呂祖軒 在州西門外康熙十八年知州趙鼎臣

郡人創建大門外有蓬萊仙境四大字  
刻係仙筆乾隆十三年署知州何源洙率  
士重修大門三楹書印月軒額碑記見藝文

卷



觀音堂 在州治 紙坊巷

白衣堂 凡三一在州治東南火神廟衙衙一在州治西北三官廟衙

子產祠

在東街明署知州王祖書碣曰古之愛乾隆十三年署知州何源洙重建題

人祠額立碑 記見藝文

崇聖祠 在關帝廟後乾隆七年知州張鉞修建記見藝文

魯公祠 在書院

俞公祠 在東街乾隆九年郡人陰晟重修十三年署知州何源洙重修增建前軒三間東廂

房二間紳士議併供奉循守明余公良樞朝正公登聯何公錫爵張公肇昇劉公永清

公一 趙張公鏞鑄石列位顏額曰循良祠又立碣于壁曰邦之司直

何公祠 在州西門外小南街印月軒之北康熙三十四年士民公建乾隆十二年重修河

副使張公學林暨郡人曹汝戩誤碑記見藝文

土地祠 在舊州 治內

忠義祠 三間在文廟內內祀元福建福州府司獄趙毓處士段好仁薛明義張富趙璧明進

士翰林編修邢恭義士趙剛孟得潘三田蕭本朝蘭州知州殉難趙翀郡庠生馮翰

節孝祠 三間在州治西內祀明趙二妻再氏義官宋芳妻李氏李讓妻趙氏 本朝庠生弓

枋妻毛氏庠生弓寬妻毛氏楊考妻徐氏庠生虎呈彩妻李氏庠生孟憬妻張氏燕誰欽妻宋

氏郭濤妻張氏劉文昌妻張氏趙環妻張氏以上二祠雍正六年知州王鴻勳建



獄神祠

在舊州  
治犴內

集鎮

四關各一今移至城內外有京水鎮在州北三十

里圍田集在州東三十里其餘小市俱不載

屯砦

站馬屯

今屯政久廢  
俱為庄村

胡家屯

關虎屯

邢家屯

在州  
東

田家屯

蘇家屯

藍家屯

以上俱  
在州北



